

# Forum Fortune-MTUN bersama Industri

Kolej Universiti, kata Mantan Menteri Pelajaran, Tan Sri Musa Mohamad. Menurut beliau, keempat-empat universiti tersebut, Universiti Malaysia Perlis (UniMAP), Universiti Teknikal Melaka (UTeM), Universiti Malaysia Pahang (UMP) dan Universiti Tun Hussein Onn (UTHM) harus meneruskan misi dan visi asal penubuhan dalam usaha melahirkan lebih ramai graduan yang mempunyai kelulusan khusus dengan kehendak industri.

"Misi universiti di awal penubuhan adalah sangat jelas iaitu melahirkan graduan atau jurutera yang menumpukan kepada bidang-bidang teknikal baru mengikut modul dan sukanan pelajaran yang terkini sejajar dengan perkembangan teknologi. Justeru, adalah tidak wajar sekiranya kumpulan universiti ini hilang fokus dan beralih ke bidang-bidang lain yang telah ditawarkan dengan

menyeluruh di Institusi Pengajian Tinggi Awam (IPTA) lainnya," kata beliau.

Beliau berkata demikian ketika menyampaikan Ucaptama Pada Forum FORTUNE-MTUN bersama Industri di Hotel Eastern And Oriental, Pulau Pinang. Forum sehari anjuran UniMAP itu bertujuan untuk mengeratkan lagi kerjasama antara Gabungan Universiti Teknikal di Malaysia dengan pihak industri.

Forum tersebut dirasmikan oleh Naib Canselor UniMAP, Brig. Jen. Dato' Prof. Dr. Kamarudin Hussin. Turut hadir, Naib Canselor UTHM, Dato' Prof. Dr. Mohd. Noh Dalimin. Dalam pada itu, Dato' Prof. Dr. Kamarudin dalam ucapannya berkata, hubungan antara universiti dan industri adalah penting ke arah pembangunan ekonomi Negara dan modal insan sejajar dengan hasrat Wawasan 2020.

"Maka sewajarnya kita menggunakan peluang penganjuran forum ini untuk mengukuhkan lagi hubungan antara universiti dan industri terutama membabitkan bidang penyelidikan dan pembangunan. Misi ini adalah penting untuk membantu negara menghasilkan produk-produk yang berkualiti sekali gus mengukuhkan kedudukan Malaysia di persada dunia.

Selain itu, ujar beliau, pihak industri sering meluahkan kesukaran untuk mendapatkan tenaga kerja yang mengikut kehendak pasaran memandangkan perkembangan teknologi yang begitu pesat. Justeru, katanya, rangkaian universiti teknikal ini wajar menggunakan kelebihan yang ada pada mereka untuk menghasilkan graduan yang benar-benar memenuhi kehendak pasaran.